

Na osnovu Statuta UŠIT FBiH, Predsjedništvo je na 50. sjednici održanoj dana 09.03.2010. god. u Sarajevu donijelo Odluku o

NAČINU GLASANJA NA VIII IZBORNOJ SKUPŠTINI UŠIT FBiH

Član 1.

Na osnovu dostavljenih lista kandidata, prema utvrđenim kriterijima koje je donijelo Predsjedništvo u skladu sa Statutom Udruženja, Predsjedništvo je potvrdilo izbornu listu za slijedeće organe upravljanja: Predsjednika Skupštine, Predsjedništvo, Nadzorni odbor, Statutarnu komisiju i Sud časti.

Prijedlog kandidata za organe upravljanja predlaže se Skupštini na usvajanje u pismenom obliku i sadrži ime i prezime kandidata, zvanje i ko je predložio kandidata.

Član 2.

U daljem postupku Skupština usvaja prijedlog liste kandidata bez proširenja liste kandidata za organe upravljanja.

Ukoliko neko od delegata smatra da nije zastupljen dovoljan broj kandidata na jednoj od lista za organe upravljanja, može uputiti prijedlog da se lista kandidata za organe upravljanja proširi uz obrazloženje iz kojih razloga, s tim da jedan delegat Skupštine može predložiti samo jednog kandidata za organe upravljanja i isključivo sa područja svoje podružnice (ili kantona iz kojeg dolazi), odnosno delegati iz institucija (Šumarski fakultet, Federalno ministarstvo poljoprivrede, vodoprivrede i šumarstva) mogu predložiti samo jednog kandidata za organe upravljanja iz navedenih institucija iz kojih dolaze, ukoliko misle da je to potrebno.

Član 3.

Predsjednik Izborne komisije pravi listu prijedloga i nakon zaključivanja liste ponovo se stavlja Skupštini na usvajanje, a nakon usvajanja, dostavlja ih zapisničaru koji ih ubacuje u konačnu listu, te se Izborni listići štampaju prema broju delegata i pristupa se pripremi za glasanje.

Član 4.

Skupština bira kandidate za organe upravljanja tajnim glasanjem. Delegat može glasati samo za onaj broj kandidata koliko stoji na glasačkom listiću ili manje od predloženog broja na usvojenim listama kandidata za organe upravljanja, što će detaljnije biti pojašnjeno na glasačkom listiću.

Član 5.

Na osnovu utvrđene liste kandidata štampaju se glasački listići sa rednim brojem ispred imena kandidata. Glasa se zaokruživanjem rednog broja ispred imena kandidata za koga delegat glasa.

Ako je predložen samo jedan kandidat i ispred njegovog imena se stavlja redni broj i zaokružuje se, a taj kandidat po automatizmu biva biran u organ upravljanja za koji je predložen. Tajnim glasanjem rukovodi Izborna komisija koja broji tri člana. Predloženi članovi Izborne komisije među sobom biraju Predsjednika Izborne komisije.

Član 6.

Delegatu se uručuje glasački listić na kojem će prilikom uručivanja biti stavljen pečat Udruženja, tako što prilazi stolu Predsjednika i članova Izborne komisije, pošto je prethodno

prozvan. Predsednik Izborne komisije uručuje glasački listić a sekretar Udruženja, označava kod imena i prezimena delegata u spisku da mu je glasački listić uručen.

Kad delegat popuni glasački listić prilazi mjestu gde se nalazi glasačka kutija i ubacuje u nju glasački listić.

Član 7.

Pošto je glasanje završeno, Izborna komisija utvrđuje rezultate glasanja. Prije otvaranja glasačke kutije prebrojaće se neuručeni glasački listići i staviti u poseban koverat koji će biti zapečaćen.

Član 8.

Nevažecim glasačkim listićem smatra se glasački listić koji je tako popunjen da se ne može sa sigurnošću utvrditi za koga je delegat glasao, kao i listić na kome je zaokružen veći broj kandidata od broja koji se bira.

Član 9.

O utvrđivanju rezultata glasanja sastavlja se zapisnik koji potpisuju svi članovi Izborne komisije.

Član 10.

Predsjednik Izborne komisije objavljuje rezultate izbora.

Član 11.

Za Predsednika Skupštine izabran je kandidat koji je dobio najveći broj glasova od ukupnog broja delegata koji su glasali, a za zamjenika predsjednika Skupštine izbran je onaj koji je na drugom mjestu po broju glasova, osim u slučaju da su oba kandidata sa istog kantona (podružnice), za zamjenika predsjednika Skupštine se bira treći kandidat sa liste sa najvećim brojem glasova, odnosno svaki sljedeći ukoliko dođe do toga da je više kandidata sa istog kantona (podružnice).

Član 12.

Za članove Predsjedništva iz kantona (podružnice), Šumarskog fakulteta i Federalnog ministarstva poljoprivrede, vodoprivrede i šumarstva, izabrani su kandidati koji imaju većinu glasova od ukupnog broja delegata koji su glasali, osim kod članova Predsjedništva iz reda žena, penzionera i ostalih gdje su izabrana dva kandidata koji su na prvom i drugom mjestu po broju osvojenih glasova od ukupnog broja delegata koji su glasali.

Član 13.

Po Odluci Predsjedništva da za članove Predsjedništva moraju biti izabrane najmanje dvije žene, ukoliko ne osvoje potreban broj glasova da bi bile izabrane direktno u Predsjedništvo, po automatizmu najmanje dvije žene ulaze u Predsjedništvo sa liste kandidata ponuđenih iz podružnica (kantona) iz reda žena, penzionera i ostalih, a otpadaju kandidati bez obzira što su imali veći broj glasova. Ukoliko iz reda žena, penzionera i ostalih se desi ovaj slučaj, drugi kandidat koji ulazi u Predsjedništvo je onaj koji je osvojio najveći broj glasova, jer iz navedenog reda ulaze dva kandidata.

Član 14.

U slučaju da je predloženo više kandidata, a ni jedan nije dobio potrebnu većinu, odnosno imaju isti broj glasova, ponoviće se izbor samo između kandidata koji su imali isti broj glasova.

Ako ni u drugom krugu jedan kandidat nije dobio potrebnu većinu glasova, ponavlja se postupak istog izbora.

Član 15.

Za članove Nadzornog odbora, Statutarne komisije i Suda časti i bit će izabrana prva tri kandidata koja budu imala najveći osvojen broj glasova, osim u slučaju istog broja glasova kada se primjenjuje član 14.

Član 16.

Predsjednik i zamjenik Predsjednika Skupštine stupaju na dužnost po objavljivanju rezultata izbora za izbor predsjednika Skupštine i preuzimaju vođenje sjednice.

Član 17.

Članovi Nadzornog odbora, Statutarne komisije i Suda časti stupaju na dužnost po objavljivanju rezultata izbora.

Član 18.

Izabrani članovi Predsjedništva biraju Predsjednika i zamjenika Predsjednika Udruženja na prvoj konstituirajućoj sjednici.

Predsjednik Skupštine i Predsjednik Predsjedništva nemogu biti iz istog kantona.